



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarivs Martini Lvtheri in Ionam Prophetam

Luther, Martin

Haganoæ, [15]26

VD16 B 3890

Et orauit Ionas ad Dominu[m] Deu[m] suum, de uentre ceti, & dixit.

urn:nbn:de:hbz:466:1-35968

IN IONAM

Dei utilitatem & commodum, ut nihil in eo sit quod
non alijs commodum, & utilitatem adserat. Quid
sit timere Deum supra dictum est, uidelicet Deum ^{timor dm. ca.}
colere. Verus enim & genuinus Dei cultus est, Deū
metuere & honorare, ita quoq; hi Deum coluerunt,
hoc est servi Dei per timorem facti sunt.

C A P V T

S E C V N D V M.

Et orauit Ionas ad Dominū Deū ^{Hymnus}
suum, de uentre ceti, & dixit. ^{Ione.}

Hoc non ita intelligendū est, Ionam ore suo tam ex
ordine hæc uerba protulisse, quippe cui longe peius
erat in tam crudeli morte detento, quam ut liciisset
tam concinnam cantilenā per otium excogitare. Sed
ostendit per hoc, quē tunc obtinuerit animum, quasq;
in corde suo cogitationes uolutauerit, dum cū morte
commuissus tale certamē suscepserat. Quemadmodum
enim à me dictum est prius, Ionæ animus spectandus
est, priusquam ē tantis difficultatibus eripitur, &
adhuc in media morte uersatur, & prorsus pro de-
plorato cadauere habendus est. Nihil enim quicquam
certi de sua redemptione nouerat, nec aliter unquam
apud animum suū cogitauit, quam moriendum sibi

COMMENTARIUS

esse, adeo ut mortis etiam aculeum non uulgariter
senserit, citraq; intermissionem subinde moriebatur.
Postea uero quam e periculis mortis tamē eruptus erat,
iterumq; in uitam omnipotentia Deireuocatus, re-
troflexis cogitationibus, hūc hymnū, omnibus suis
numeris absolutum ad laudē & gloriam omnipoten-
Curiosa inqui tis Dei, usumq; hominum edidit. Huc uero nunc ue-
sitio de mor- niant quos peruersa tenet curiositas, desyderiūq; co-
tuorum con- gnoscendi, quæ nam mortuorum sit conditio. Sunt
ditione. enum non parum multi, qui libentissime ex Lazaro
expiscati füssent, quid nam fecisset, cogitasset, sen-
sisset aut uidisset in terra, dum per quadriduum huma-
nus in sepulchro computresceret, Ioh. ii. Ita ex alijs
quoq; mortuis à Christo, Prophetis, & Apostolis in
uitam reuocatis. Certatim uero hic ingerunt se nu-
gones quidam leuisimi, quos nihil pudet scribere,
quod adeo horrenda aspectu iam mortui uiderint, ut
posthac nunquam per omnem uitam riserint, aut ani-
mo remissore paulo hilarius uixerint. Sunt rursum
alij qui hoc Sapien. 2. contenti, ab ea curiositate absti-
nent, non esse uidelicet agnatum qui reuersus sit ab
inferis. Ego uero sic apud me statuo, misum facien-
dum esse Lazarum, & alios sanctos posthabendos,
acquiescendum uero scripture affirmanti, uita defun-
ctos dormire. Siquidē plane opinor usq; adeo omnes
hoc

IN IONAM

hoc somno detineri & opprimi , ut nullus illis quicq[ue] n . l .
quam aut sentiendi , aut uidendi locus sit relictus , &
minus quidem , quam naturali sopore compressi sen-
timus . Cæterum iam excitatis illud accidere , ut ne-
sciant ubi fuerint . Eos nobis præponamus , qui non
ad hunc modū dormiant , & tamen mortui sunt , inq[ue]
morte mortis dolorem , & inferos sentiunt , & quos
etiamnum pro uituis æstimamus . Quod si uero illo-
rum sensum respeximus (qui certe respiciendus est ,
nec nostræ opinionis ratione iudicandum) planè mor-
tui sunt , nec ulla uita superest . Proinde ij omnem
ueritatem nobis enarrabunt , repulsa curiositate , quæ
post hanc uitam futura sit mortuorum conditio , præ-
sertim impiorum .

Clamaui in tribulatione mea ad
Dominum , & respondit mihi , de
uentre inferni audistis uocē meam .

Principio gratiam diuinam copiose , & plenis ,
quod aiunt , tibijs laudat , & gratias agit , propterca
quod è tantis periculis , & angustijs eum fœliciter li-
berauerit , qua quidem re initio nobis Dei clemētiā
ponit ob oculos , deinde sua pericula è quibus ereptū
se prædicat . Et primo quidē uersiculo duo magnope
re necessaria discimus . Vnū , ut quantocyus omnium